

Visoki predstavnik Schmidt prisustvovao “Velikom školskom času” u Kragujevcu



Visoki predstavnik Christian Schmidt prisustvovao je u petak “Velikom školskom času” u Spomen-parku “Šumarice” pored Kragujevca, koji se održava u znak sjećanja na žrtve masovnog strijeljanja koje su izvršili pripadnici oružanih snaga nacističke Njemačke 1941. godine.

“Poklanjamo se ovim žrtvama u tišini, ali poruka sa ovog mjesta je gromoglasna: Nikad više! Posebno sjećanje na stotine učenika koji su ovdje ubijeni podsjeća nas na našu dužnost da nasljednicima ostavimo bolji svijet.

Raditi na uspostavljanju mira i sigurnog i prosperitetnog okruženja za nove generacije zadatak je koji nikada ne prestaje. Suočavanje sa prošlošću, priznavanje žrtava, ali istovremeno gledanje u budućnost – najbolji je način da se takvi zločini nikada ne ponove,” rekao je visoki predstavnik Christian Schmidt.